



SAOPĆENJE ZA JAVNOST

19. april 2022.

Automobilom usmrtio gosta lokala Elmiru Čoliću tri i po godine zatvora

Tužilaštvo Brčko distrikta BiH okončalo je postupak protiv Elmira Čolića (25)*, optuženog da je prošle godine u Gornjem Rahiću upotrebom automobila izazvao opasnost po život većeg broja ljudi okupljenih ispred ugostiteljskog objekta *Aščiluk*. Za teška krivična djela protiv opće sigurnosti ljudi i imovine, usljed kojih je jedno lice smrtno stradalo, dok je više njih provrijeđeno i dovedeno u opasnost, Čolić je osuđen na tri i po godine zatvora.

Podsjetimo, nakon dvomjesečne istrage Tužilaštvo Distrikta optužilo je Čolića da je 16. maja prošle godine u stanju teškog pijanstva automobilom *Golf IV* velikom brzinom udario u baštu lokala *Aščiluk* u G. Rahiću, gdje je bio okupljen veći broj gostiju. On je motornom silom i udarom prednjeg dijela vozila nanio teške tjelesne povrede Š. K. usljed kojih je došlo do šoka i smrti oštećenog. Istovremeno, došlo je do nanošenja lakih tjelesnih povreda licima Z. K. i DŽ. S, ali i izazivanja neposredne opasnosti po njihove živote, kao i živote M. L, A. R, A. M. i drugih lica koja su se tu zadesila.

Pošto je ubrzo uhapšen i stavljen u pritvor, istraga Tužilaštva i Policije Distrikta efikasno je nastavljena, te je završena za nepuna dva mjeseca. Već 13. jula, Tužilaštvo je podiglo optužnicu protiv Čolića tereteći ga za Teška krivična djela protiv opće sigurnosti ljudi i imovine (*iz člana 322 stav (2) Krivičnog zakona Brčko distrikta BiH*). U postupku pred Osnovnim sudom Distrikta, Tužilaštvo i optuženi nedavno su zaključili sporazum o priznanju krivice, u skladu s kojim je Elmir Čolić osuđen na kaznu zatvora od tri godine i šest mjeseci. Izuzev odluke o krivičnopravnoj sankciji, optuženi presudu može pobijati žalбом pred Apelacionim sudom distrikta Brčko.

*Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.



Tužilaštvo/Tužiteljstvo Brčko distrikta BiH



GLAVNI TUŽILAC
ZEKERIJA MUJKANović